

**BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Privremena mandatno-imunitetska komisija  
Broj: 02/10-02-2177/19  
Sarajevo, 14.11.2019. godine**

**DOMU NARODA  
PARLAMENTA FEDERACIJE  
BOSNE I HERCEGOVINE**

Privremena mandatno-imunitetska komisija Doma naroda Parlamenta Federacije Bosne i Hercegovine, na 5. sjednici, održanoj 14. novembra 2019. godine, razmatrala je:

- **Odluku Centralne izborne komisije Bosne i Hercegovine o prestanku mandata i dodjeli mandata sljedećem kvalificiranom kandidatu, broj: 06-1-07-1-341/19 od 24.09.2019. godine**

Na osnovu člana 51., a u vezi sa članom 64. Poslovnika o radu Doma naroda Parlamenta Federacije Bosne i Hercegovine, Privremena mandatno-imunitetska komisija podnosi Domu naroda sljedeći

**IZVJEŠTAJ**

**Odluka Centralne izborne komisije Bosne i Hercegovine o prestanku mandata i dodjeli mandata sljedećem kvalificiranom kandidatu, broj: 06-1-07-1-341/19 od 24.09.2019. godine**

Na osnovu člana 2.9 stav (1) tačka 14., a u vezi sa članom 1.10 stav (1) tačka 4. i stav (2), i člana 10.17 Izbornog zakona Bosne i Hercegovine ( "Službeni glasnik BiH", br.: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16 ) i člana 11. Uputstva o dodjeli i prestanku mandata („Službeni glasnik BiH“, br.: 37/14 i 29/18 ), u pravnoj stvari prestanka mandata Radun Dušku, delegatu u Domu naroda Parlamenta Federacije Bosne i Hercegovine, Centralna izborna komisija Bosne i Hercegovine, je na 49. sjednici, održanoj dana 24.09.2019. godine, donijela Odluku o prestanku mandata i dodjeli mandata sljedećem kvalificiranom kandidatu, a kojom se utvrđuje prestanak mandata **Radun Dušku**, delegatu u Domu naroda Parlamenta Parlamenta Federacije Bosne i Hercegovine, izabranom na posrednim izborima

2018. godine sa kandidatske liste Predlagača Radun Duška, za izbor delegata u Dom naroda Parlamenta Federacije Bosne i Hercegovine iz Skupštine Kantona 10, iz reda srpskog naroda, sa danom 05.07.2019. godine.

U naprijed pomenutoj Odluci dalje je navedeno da je Centralna izborna komisija Bosne i Hercegovine, dana 02.08.2019. godine, dobila obavijest o tome da je poslanik u Skupštini Kantona 10, Radun Duško, presudom Opštinskog suda u Livnu pravosnažno osuđen na kaznu zatvora u trajanju od osam ( 8 ) mjeseci, te zahtjev da se imenovanom utvrdi prestanak mandata.

Uvidom u Odluku Centralne izborne komisije Bosne i Hercegovine o potvrđivanju rezultata Opštih izbora u Bosni i Hercegovini 2018. godine, broj : 05-1-07-1-1327-1/18 ( „Službeni glasnik BiH“ broj 78/18 ), te provjerom u službenim evidencijama Centralne izborne komisije Bosne i Hercegovine, utvrđeno je da je Radun Duško na opštim izborima održanim 2018. godine izabran za poslanika u Skupštini Kantona 10, kao kandidat sa liste političkog subjekta SRPSKA NAPREDNA STRANKA, te da imenovani još uvijek ima mandat zastupnika u Skupštini Kantona 10.

Nadalje, uvidom u Odluku o potvrđivanju rezultata posrednih izbora i dodjeli mandata za Dom naroda Parlamenta Federacije Bosne i Hercegovine – Opšti izbori 2018. godine, broj 06-1-07-1-134-1/19 od 14.02.2019. godine, utvrđeno je da je Radun Dušku dodijeljen mandat delegata u Domu naroda Parlamenta Federacije Bosne i Hercegovine.

Slijedom svega navedenog, dana 13.08.2019. godine Centralna izborna komisija Bosne i Hercegovine je uputila zahtjev Opštinskom sudu u Livnu, broj 06-1-07-577-2/19, kojim je tražena informacija s ciljem provjere navoda po naprijed navedenom zahtjevu.

Opštinski sud u Livnu je, aktom broj 68 0 K 052233 19 K od 21.08.2019. godine, dostavio Centralnoj izornoj komisiji Bosne i Hercegovine tražene podatke, te je u prilogu akta dostavio i pravosnažnu presudu broj 68 0 K 052233 19 K od 18.04.2019. godine, kojom je Radun Duško osuđen na kaznu zatvora u trajanju od osam ( 8 ) mjeseci, te presudu Kantonalnog suda u Livnu, broj 68 0 K 052233 19 K od 05.07.2019. godine, kojom je kao neosnovana odbijena žalba optuženog Radun Duška i potvrđena presuda Opštinskog suda u Livnu, broj 68 0 K 052233 19 K od 18.04.2019 godine čime je navedena presuda postala pravosnažna sa danom 05.07.2019. godine.

U prilogu istog akta Centralnoj izornoj komisiji Bosne i Hercegovine je dostavljena i presuda Opštinskog suda u Livnu, broj 68 0 K 052233 19 K 2 od 19.07.2019. godine kojom je osuđeniku Radun Dušku kazna zatvora u trajanju od osam mjeseci zamijenjena novčanom kaznom u iznosu od 24 000 KM, koju je osuđenik dužan platiti u roku od 30 dana po pravosnažnosti ove presude, odnosno do 08.09.2019. godine.

Dana 19.09.2019. godine, Opštinski sud u Livnu je dostavio Centralnoj izornoj komisiji Bosne i Hercegovine obavijest, od 13.09.2019. godine, da osuđenik Radun Duško nije platio novčanom kaznu u utvrđenom roku.

Odredbama člana 1.10 stav (1) tačka 4. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom pravosnažnosti sudske presude kojom je osuđen na kaznu zatvora u trajanju od šest mjeseci ili duže.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu organa vlasti u roku koji ne može biti duži od 15 dana od dana kada su nastupili razlozi za prestanak

mandata, odnosno od saznanja o razlogu za prestanak mandata, i o tome obavještava organ vlasti u kojem je izabrani član imao mandat.

S tim u vezi, a na osnovu člana 10.17 Izbornog zakona Bosne i Hercegovine, mandat delegata u Domu naroda Parlamenta Federacije Bosne i Hercegovine dodijeliće se sljedećem kandidatu za izbor delegata u Dom naroda Parlamenta Federacije Bosne i Hercegovine, iz reda srpskog naroda, nakon pravosnažnosti ove Odluke.

U skladu sa navedenim, Centralna izborna komisija Bosne i Hercegovine je, na osnovu člana 2.9 stav ( 1 ) tačka 14, člana 1.10 stav ( 1 ) tačka 1. I stav ( 2 ) i člana 10.17 Izbornog zakona Bosne i Hercegovine, te člana 11 i člana 15. Upustva o dodjeli i prestanku mandata, utvrdila prestanak mandata za Radun Duška.

Obavijest o prestanku mandata, kao i Odluka Centralne izborne komisije Bosne i Hercegovine o prestanku mandata i dodjeli mandata sljedećem kvalificiranom kandidatu, dostavljeni su Domu naroda Parlamenta Federacije Bosne i Hercegovine 07.11.2019. godine.

Privremena mandatno-imunitetska komisija Doma naroda Parlamenta Federacije razmatrala je ovu Odluku na 5. sjednici, te obavještava Dom naroda o prestanku mandata Dušku Radunu.

**Prilog:**

- Odluka Centralne izborne komisije Bosne i Hercegovine o prestanku mandata i dodjeli mandata sljedećem kvalificiranom kandidatu, broj: 06-1-07-1-341/19 od 24.09.2019. godine

**IZVJESTILAC PRIVREMENE  
MANDATNO-IMUNITETSKE KOMISIJE**

Tomislav Mandić